

Evening Gojri News
30 September 2024
1700 Hrs

- *1. صدر جمہوریہ درویدی مُرمو نے کہیو ہے جے تمام بھارتی خدمات مانہہ بھارتی پولیس خدمات آئی پی ایس اہم اہمیت غی حامل ہے۔
 - *2. جموں خطہ مانہہ حالیہ ٹاکراں غے پیش نظر حفاظتی دستاں نے کٹھوعہ تے راجو ری ضلعان غا مزید علاقان مانہہ تلاشی کا روائی شروع کر دتی ہے۔
 - *3. جموں کشمیر اسمبلی انتخابات غا تیجا تے آخری مرحلہ غے تحت جموں ڈویژن غا تمام 4 ضلعان مانہہ پولینگ عملہ نانہہ روانہ کر دتو ہے۔
 - *4. تے مشہور اداکار متھون چکر ورتی نانہہ دادا صاحب پھالکے اعزاز توں نوازیو جائے گو۔
- *****

President IPS

دو ہزار 23 بیج غا بھارتی پولیس خدمات آئی پی ایس گا اک گروپ نے اج راشٹر پتی بھون مانہہ صدر جمہوریہ درویدی مُرمو سنگ ملاقات کی ہے۔ اس دوران برویشنرز یعنی نواں تعینات ہوا ان افسران سنگ خطاب کرتاں واں صدر جمہوریہ نے کہیو ہے بکھ بکھ بھارتی خدمات مانہہ بھارتی پولیس سروسز غی اہم اہمیت ہے۔ محترمہ مُرمو نے مزید کہیو ہے امن و امان نہ صرف حکمرانی غی بنیا د ہے بلکہ جدید ریاست غی یاہ سب توں اہم بنیا د ہے۔ انہاں نے آتا بہراں مانہہ بھارت غی طرفوں بلندیاں نانہہ حاصل کرن واسطے آئی پی ایس افسران غا کردار نانہہ وی اہم قرار دتو ہے۔ صدر جمہوریہ غو مزید کہنوتھو جے معاشی تے سماجی ترقی اُس ویلے تک ممکن نہیں جد تک قانون غی حکمرانی برقرار نہ وے۔

Search Operation

سلامتی دستاں نے حالیہ تصادم تیں بعد دہشت گردان نانہہ تلاش واسطے کٹھوعہ تے راجو ری ضلعان غا مزید علاقان مانہہ تلاشی مہم شروع کر دتی ہے۔ حکام نے دسیو ہے جے ہفتہ غی شام نانہہ کٹھوعہ ضلع غاگوگ منڈلی جنگلاتی گراں مانہہ اک پولیس افسر تے اک دہشت گرد ماریا گیا تے دو پولیس اہلکار زخمی ہوا ہیں۔ اتار آلی شام نانہہ راجو ری ضلع غا منیال گلی علاقہ مانہہ دہشت گردان تے سلامتی دستاں غے درمیان مختصر گو لیباری غو تبادلہ ہووٹھو۔ کٹھوعہ مانہہ تلاشی مہم تیجے روز وی جاری ہے۔ حکام غو خیال ہے کہ پاکستان تیں تعلق رکھن آلی جیش محمد دہشت گرد تنظیم گا مزید 3 غیر ملکی دہشت گرد جنگل غا علاقہ مانہہ چھپا وی ہیں۔ راجو ری مانہہ اتار آلی شام نانہہ مختصر گو لی باری تیں بعد دہشت گرد فرار ہو گیا تے تلاشی دیر رات تک جاری رہن توں بعد بند کر دتی گئی جھیڑی اج سویرے فر شروع کر دتی گئی۔ دہشت گردان تیں ہن تک کوئی رابطو نہیں ہو و کٹھوعہ تصادم مانہہ شہید ہوا بیڈ کا نستیل بشیر احمد نانہہ اتار آلی شام اک تقریب توں بعد جموں مانہہ اُن غا کھر غے قریب پورا سرکار غی اعزاز غے نال سپرد خاک کر دتو گیو۔ پولیس غا خصوصی ڈائریکٹر جنرل بلین پر بھات تے پولیس غا اڈیشنل ڈائریکٹر جنرل جموں زون نے شہید پولیس اہلکار نانہہ خراج عقیدت پیش کیو۔ تے اُن غا اہل خانہ سنگ تعزیت گو اظہار کیو۔ مرکزی نیم فوجی دستاں غا افسران نے شاندار خراج عقیدت پیش کیو تے میت ور پھلان آلی چادر چڑھائی۔

DGP JK

اپنی سروس کا آخری تہاڑے پولیس گاڈائریکٹر جنرل آر آر سوین نے پرتاپ پارک لال چوک سرینگر ماتہ واقع بلیدان ستمبر غو دورو کیو۔ انہاں نے کہیو کہ اپنی 30 سال غی خدمات غے دوران ان غو مقصد جموں کشمیر غا لوکاں واسطے بے خوف زندگی گزارن ناہہ یقینی بنانو تھو۔ انہاں نے کہیو جے بلیدان ستمبر پولیس افسراں واسطے مقدس بے کیونکہ یوہ بہت سارا لوکاں غی قربانیاں غی نمائندگی کرے۔ جنہاں نے اس مقصد واسطے اپنی جان غی قربانی دتیں۔ ڈی جی پی سوین نے اس گل ور زور کیہلیو کہ انہاں نے جموں کشمیر ماتہ امن تے وقار لیان واسطے خلوص غے نال کم کیو۔ تے لوکاں غا چہراں ور مسکراہٹ دیکھن تے خوف دور کرن غی کوشش کی۔ انہاں نے کہیو جے میرو عقیدو بے کہ جموں کشمیر ماتہ بر ایکن ناہہ امن تیں لطف اندوز ہونو چاہیے تے خوف تیں پاک زندگی گزارنی چاہیے۔ ڈی جی پی نے کہیو جے مینا لگے کہ میں نے یوہ سب یقینی بنان غو موقعو نہیں گوايو۔ ڈی جی پی سوین اج شام ناہہ سبکدوش ہو رہیا ہیں تے بن نلین پرہات ناہہ نوو پولیس غو ڈائریکٹر جنرل بنايو گیو بے۔

Panchyat Workshop

مرکزی وزیر مملکت برائے پنچائتی راج پروفیسر ایس پی سنگھ بھگل نے اج نوی دہلی ماتہ لوکاں غا پلان مہم جھیڑا کہ ”سب کی یو جنا سب کا وکاس“ توں مشہور بے ور قومی ورکشاپ غو افتتاح کیو بے۔ جس غو مقصد افسراں، چنیا وا نمائنداں تے دوجا شراکت داراں ناہہ ضروری ہنر پارے جانکا ری دینو بے تانجے پنچایت ترقیات پلان ناہہ موثر طریقہ کار غے تحت تیار کیو جا سکے۔ اس موقعہ ور جناب سنگھ نے لوکاں غا پلان مہم 25/2024 ور تے مالی سال 26/2025 واسطے پنچایت ترقیات پلان ور اک کتابچو وی جاری کیو بے۔ اس تیں علاوہ انہاں نے سالانہ ایکشن پلان 25/2024 غی رپورٹ وی جاری کی جس ناہہ راشٹریہ گرام سوراج ابھیان نے تیار کیو تھو۔ اس ضمن ماتہ مہارا نمائندہ نے خبر ٹوری بے جے اس ورکشاپ ماتہ بکھ بکھ مرکزی وزارت غا نمائندگان، ریاستی محکماں، تربیتی اداراں غا استاداں غی علاوہ بکھ بکھ سطح ور پنچایت غی نمائندگی کرن آلا شرکت کر رہیا ہیں۔

Kishtwar

گاندھی جینتی غا موقع پر، سوچہ بھارت ابھیان غے تحت آج طلباء، پرنسپل، عملہ کے ارکان تے ساؤنڈر علاقہ غا مقامی باشنداں نے اک خصوصی ریلی غوانعقاد کیو۔ اس تقریب غو مقصد علاقہ ماتہ بیداری پھیلانو اور صفائی کی اہمیت ناہہ مزید تقویت دینو تھو۔ تقریباً 200 طلباء نے جوش و خروش سنگ ریلی ماتہ شرکت کی، جنہاں نے صفائی اور ماحولیاتی ذمہ داری ناہہ فروغ دین آلا بینرز اور پلے کارڈز چایا وا تھا۔ مقامی سکولاں کے پرنسپل اور سٹاف ممبران نے ریلی کی قیادت کی۔

TRAI Radio

بھارتی ٹیلی کام ریگو لیٹری اتھارٹی نے اج نجی ریڈیو برآڈ کا سٹراں واسطے جدیدیات ور مبنی ریڈیو نشریاتی پالیسی غا تشکیل ور اک مشاورتی پیپر جاری کیو بے۔ اس تیں علاوہ بکھ بکھ شراکت داراں کولوں ڈیجیٹل ریڈیو نشریاتی پالیسی غی تشکیل متعلق بکھ بکھ مسائل ور رائے حاصل کرن غو عمل وی شروع کیو گیو۔ اس ضمن ماتہ تمام شراکت دار 28 اکتوبر تک مشاورتی پیپر ور اپنی رائے دے سکیں۔ جد کہ 11 نومبر تک وے اس جوابی تبصرہ ناہہ جمع کرا سکیں۔ اس تیں علاوہ جوابی تبصرہ برقیاتی شکل ماتہ ای میل ور دتا جا سکیں۔

یہ خبر تم آکاشوائی جموں تیں سُن رہیا ہیں خیراں غا باقی حصہ نال نصرت چودھری۔

Kathua Election

ضلع کٹھوعہ تے اسمبلی انتخابات گاتیا تے آخری مرحلہ واسطے اپنی تیاریاں نانہہ حتمی شکل دے دتی ہے۔ اس سلسلہ مانہہ اج 7 سو 4 پولینگ سٹیشناں واسطے 7 سو 4 پولینگ پارٹیاں نانہہ ای وی ایم تے وی وی پیٹ سنگ حفاظت غا کڑا بندو بست مانہہ روانہ کیو گیو ہے۔ کٹھوعہ ضلعو 6 اسمبلی حلقاں ور مشتمل ہے۔ جن مانہہ بنی، بیلا ور، بسوبلی، جسروٹہ، کٹھوعہ تے بیرا نگر شامل ہیں۔ اس دوران کُل 5 لکھ 6 ہزار 6 سو 79 ووٹر اپنا حق رائے دیہی گو استعمال کریں گا۔ جن مانہہ 2 لکھ 65 ہزار 4 سو 20 مرد، 2 لکھ 41 ہزار 2 سو 56 خواتین، 3 تہجی جنس آلا شامل ہیں۔ اس ضمن مانہہ مہارا ضلع غا نمائندہ پردیپ شرما سنگ گل کرتاں واں ضلع چناؤ افسر راکیش منہاس نے اس طرح کہیو۔۔ بانٹ۔۔

Udhampur Poll Parties

ضلع اڈھم پور مانہہ اج 6 سو 54 پولینگ سٹیشناں واسطے 6 سو 48 پولینگ پارٹیاں نانہہ ای وی ایم مشین غے سنگ حفاظت غا کڑا بندو بست مانہہ روانہ کر دتو گیو ہے۔ واضع رہ جے دور دراز علاقہ غا 6 پولینگ سٹیشناں واسطے پچھلے تہاڑے انتخابات کران آلا عملہ غی 6 ٹیمیاں نانہہ روانہ کیو گیو تھو۔ اڈھم پور 4 اسمبلی حلقاں ور مشتمل ہے۔ جن مانہہ اڈھم پور مشرق، اڈھم پور مغرب، رام نگر، تے چینی شامل ہیں۔ ان 4 اسمبلی حلقاں مانہہ پلک تیا تے آخری مرحلہ مانہہ ووٹ کھلیا جائیں گا۔ اس ضمن مانہہ ضلع چناؤ افسر اڈھم پور سلونی رائے نے ذرائع ابلاغ غا نمائنداں سنگ گل کرتاں واں اس طرح کہیو۔۔ بانٹ۔۔

SVEEP Suchetgarh

لوکاں نانہہ آئندہ انتخابات مانہہ ووٹ کھلن غی ترغیب دین واسطے سوچیت کڑھ مانہہ بین القوامی سرحد ور کل ووٹر بیداری گو اک بڑو پروگرام منعقد ہوؤ۔ اس پروگرام مانہہ خاص طور ور سرحدی علاقہ مانہہ رہن آلاں مانہہ بیداری پیدا کرن ور توجہ مرکوز کی گئی۔ گلوکار جوبی سنگھتے ونشیکا سنگھ نے پروگرام مانہہ اپنی پر فارمنس دتی۔ انہاں نے خُب الوطنی گاتیا تے لوکاں نانہہ ووٹ کھلن غی ترغیب کی۔ جس مانہہ فرض تے مُلک تیں محبت غا جذبہ نانہہ فروغ دتو۔ مقامی اسکول گاتیا طلباء غا بارہ مانہہ اک خاکو وی پیش کیو۔ ضلع چناؤ افسر سچن کمار ویشے نے تقریب نال خطاب کرتاں واں تمام اہل ووٹراں نانہہ 1 اکتوبر نانہہ ووٹ دین غی ترغیب کی،۔ انہاں نے اس گل ور زور کھلیو کہ ووٹر جمہوریت واسطے کتنو اہم ہے تے ہر ایکن نانہہ انتخابات مانہہ حصول غی اپیل کی۔

Mithun Dadasaheb Phalke Award

نامور اداکار مٹھون چکرورتی نانہہ اگلے مہینہ قومی فلم اعزازاتی تقریب مانہہ دادا صاحب پھالکے اعزاز توں نوازیو جائے گو۔ اس گل غی جانکاری سماجی میڈیا ور سانجھی کرتاں واں اطلاعات و نشریات غا مرکزی وزیر اشونی ویشنوو نے کہیو ہے جے کو لکتہ غی گلیاں وچوں اُٹھ غے فلمی دنیا مانہہ اتنوناں بنان آلا مٹھون دا غو سفر آن آلی نسلان نانہہ متاثر کرے گو۔ اس تیں علاوہ انہاں نے دسیو ہے جے دادا صاحب پھالکے اعزاز دین آلی ٹیم نے یوہ فیصلو لیو ہے جے بھارتی فلمی اعزاز غو سب توں بڑو اعزاز بھارتی سنیما مانہہ اپنی بہترین خدمات دین آلا مٹھون دا نانہہ دتو جائے گو۔ جناب ویشنوو نے ذرائع ابلاغ غا نمائندہ سنگ گل کرتاں واں

متھون دا نانہہ مبارکباد دتی ہے۔ اُنگان منیا پڑمنیا وا اداکار متھون چکرورتی نے ذرائع ابلاغ غا نمائنداں سنگ گل کرتاں واں اس اعزاز بارے خبر ور خوشی غواظہار کیو ہے۔ اُنہاں نے اس اعزاز نانہہ اپنا کُنہہ تے دُنیا پھر مانہہ اُن گا چان آلاں نانہہ وقف کیو ہے۔ وزیر اعظم نریندرمودی نے مشہورہ اداکار نانہہ اس اعزاز بارے مبارکباد دتی ہے۔ جناب مودی نے کہیو ہے اُنہاں نانہہ اس گل غی خوشی ہے جے متھون چکرورتی غی بھارتی سنیما مانہہ خدمات غے چلتیں اُنہاں نانہہ اس اعزاز توں نوازیو گیو ہے۔
